

NSA’ NGA NJÚ TE PA MFÉÉ KÊT MÚN NYÛTU

NJÚE ME SHÚKÉT

Lo’ te ka kúmshe nga wúme, yúe a njit ne gú púen te ngúet púen nyùtu pua pa mféé kê’ap ngúenengúe sebe, pe na yire mbe map(ureyúe’ne) kú ghét ngam pua sappé ne fúeshe te njú na, lo’ te ka fét kwen pua tâne pa mféé kêt mún nyùtu kpa’ nkiére gú ngétne nga pâre yúe a mfiébe

Wupme pa te njú na, pua ka tuo tuo njú mfé ira yúe púen nyùtu ntuo pe ne kú shúkét pua kú wúshe te túm túme puô pua ngúe’, shi na mbe pô yi nsa’ me pum yu sha’ múm nyùtu na,

Lo’ te ka a nta’ mi pa mféékêť mún nyùtu kpa’ mbe yu shí te nsa’ngu mféékêť me shi’ mi a me yétne yi njit mún nyùtu me ndíní ne pi’ tu te nsa’kpen pua yit mún te ngu na,

Lo’ te ka a ntá suo nshi’ shâne sun ma fâne túm túm ma,

Lo’ te ka, te mâ kèn, túm túm te nda shut ngu ngu mbône kpa’ mbit nféére pemtú yap te map map mféékêť mún nyùtu, lo’te wúme pua nga’kêť mbe mún nyùtu, te ngúenengúe pa mféékêť pemba pua pemgbié mbi pit nsa’ ndíshut te yi ndùere tam kut te wume la’ pua yi mféére fuomkêť fuomkêť mmanjé wume te ndà lône kú ghét ngam ma.

Lo’ te ka gú nsa’ ngu ngu kpa’ nsèn te pamme mbuo pua nda nshùť ngumbône, yi mbe ngum nshin pa mféékêť mún nyùtu pua map map kú ghét ngam ma,

Lo’ te ka yi nyéte mbuomshe shire shire pa mféékêť pua pa kú ghékêť ngam pe na pô nga ngùre te yi ngùre yire yi gbèť kèn nsebe na,

Puomshe Mbadem mún

nâ tupshe yire yi nsa’ nga njú, ti pa mféékêť mún nyùtu, po yúe wupme ndi nshur’úe a nta’mi gú túm túm pua ngu ngu yétne yi ngum pô nshin na, me shi’mi gú púen ne gú pe kpúére púen te la’, yúe pe nshùshù’ yire yi nsa’ ngam me wupme na, pe ne ma’si’ te yu lére puo kúú wupme, a yétne fa pé, lo’te ndi ngam membéte, túm te ngu ngu pua fâne ngu ngu, lo’ te kúmshe pua shétte te ngétne nga mbône mún nsebe ngúe ngúe me rú pa te ngu ngu nda shùť puonepuo pua fâne nsié ngu ngu shúe pe nsa’na.

Pum mgbetĩ 1

Pe nâ mvé gú puen nyùtu pô te mbe kú ghét ngam pua ngúenengúe mbe te wúme nsebe pua pa mféékêť. Pen â ntúm te mbe kú rem ngam pua fabshe ngam, a nshi njír’ap ne yi nshâne ngétne nga shap pô te wupme pontâ.

Mgbetĩ mbète 2

Nshié mún yétne yi ngét kú ñwet te gú pa mféékêť pua kú ghét ngam túm te yire yi nsa’ nga njú, shi mshié nsènte me túm, me ngup, me sù, me shùket, me nga nyinyi, me nda ntañ, ké mo’ nshié wupme túm lo’te la’ ké lo’ te fâne púen’e, lo’ te nkap, lo’ te vé ké lo’ te mo’ nshié mbe.

Mo’nké nshié nsènte ntap ndo’ tèt’i mo’ ngâ shi te mgbète ntañ, mgbète kèn ké mgbète fâne túm túm ngu ké sâ ngu múm nyùtu, pa yúe yire ngu ké sâ ngu mbe ne shùtu na, nshin nsa’ mo’ ngu na, shi pe ne kú ghét ngam ké mbe pô ne páshe shùtu na.

Mgbetĩ mbète 3

Nshié mún nyùtu ghét mféé kêť wume, mféé kêť kú ghét ngam pua mféé kêť tènntúúm wume te mbe mi.

Mgbetĩ mbète 4

Mo’ nshié mún ntap ndo’ pe’i mkpèn ké te mbe fa’kpèn ne, me nga kâ kpèn pua ntèn kpèn ka kpa’ njié kèn te gú mbe map mentèn na.

Mgbetĩ mbète 5

Mo’ nshié múm nyùtu ntap ndo’ pi’ kwete’i ngúe’ menduwan.

Mgbetĩ mbète 6

Nshié mún ghét mféé kêť wúme ntu nté ni pue nkèn te gú li’ mentèn.

Mgbetĩ mbète 7

Gú púen kpa’ na mbe pô ngúe ngúe mesù kèn mbi pit ngékêť mféé kêť shi nsènte mbe te ka kèn ntúe’she wap ngúenengúe na. Gú yap ghékêť ngúenengúe mféé kêť ntúe’she me shi’ yi nkú’ ranami yúe a nte pe nsùene yire nsa’ ngam ma, mo’ nké yétne yi nèn nshié rône yúe a nsùshe rane-mi na.

Mgbetĩ mbète 8

Nshié mún pua ne mféé kêť yi mfa ñwer’i tu gú nda sa’ ngu yúe a yétne yi mfèt’i te map map pa mféé kêť’i túm te mâ kèn ké kèn ngu.

Mgbetĩ mbète 9

Nshié mún mâ njetne’ i yi mbe yu vé te kú tú mo’ mún, ké yi mshùshù’ i, ké yi ntúme’i te ngu.

Mgbetĩ mbète 10

Nshié mún nyùtu ghét mféé kêť, ngúenengúe nsebe, ne ka pe njetne yi nju’ mbie’ne sa’ shi me ndô ngúere te nda sa’ shùtu shi nga rane-mi ntúúm ña yùe pe ntuo li sa, tupshe pa mféé kêť’i pua kêť’i na, ké yi ntupshe mgbú sa’ shi yúe a ntuo suo’i ne sa’ na.

Mgbetĩ mbète 11

Nshié mún’úe pe nsôme’i na, pum na mbe ndi’ pô ngâ gbú sa’, kúka kèn ki’re nguo kwete mgbú sa’ shi te nda sa’, me ndô ngúere, ña yúe loya njétne yi mfèt’i pôkéri na.

Pe ntap ndo’ suo’i sa’ ndun nshié mún, lo’ te ngékêť pua shu shi ghet ké shu shi rié, fú’ yié ka a ndi’ pô fubkèn túm te kèn ngu ke’ ken njú mansié. Mo’ nké shi pe mbi’ ndo’ njap nsuo sa’ ndun mún à rét nja’ yúe a pemi té mbe yi mgbète te fú’ fubkén na.

Mgbetĩ mbète 12

Nshié mún yié ndi’ yúe pe ndo’ mbe mbib’i ne yi lo’ nyi te nga wumeshi yi’she, pa nshut nda’i, li’ shu’i ké lérewa shi, shi ñúshe ntu nté mi pua ngétne nga shi yi mbôkêť. Nshié mún nyùtu ghét mféé kêť túe’she lo’ puo kén meshi’ yi nkú yúe pe mbe mbib’i ké yi mbe ñúshe’ i ne.

Mgbetĩ mbète 13

Nshié mún nyùtu ghét mféé kêť ghét kú yi nkétne ne yi nsho’ li’ shu’i (nka’shi) te nshié ngu.

Nshié mún nyùtu ghét mféé kêť yi ntúm nshié ngu, mbú ngu’i, mbit nkú njétne yi mbùťne ntúúm.

Mgbetĩ mbète 14

Te ka pe mbe nta’ vé mún na, mbú i ghét mféé kêť yi nta’ li’ kebkebe mbit, nkú kwete li’ kebkebe te shimo’ ngu.

Yire yi mféé kêť ndi’ yu rié te pa vévé yúe mún ghét püü ngùre na, ké te ngétne nga yúe a ndi’ yùni pua nsa’ nga njú mansié na.

Mgbetĩ mbète 15

Nshié mún nyùtu ghét mféé kêť yi mbe ntúmsié ndi la’.

A ndi yétni ne yúe pe nkuot ntúmsié la’ puo mún, ké yúe pe nkuot mféé kêť yi kupshe ntúmsié la’pue’i nâ.

Mgbèti mbète 16

Lo’ te lúm li,membà po memgbié ghétkét mféé kêt yi ndâme mbit njétne yi nsèn ngùet mún, shi tié nto’ne nga túm, nga la’ púen ké nga nyinyi púen ne. Pe ghét kêt na mféé kêt te lam pò ngùenengùe, lo’ te wume lam pua fú’ yié ka pe òo lam ma.

Kutlam shu na pò te ndí nshut pua péeme pè’ghâ yi ndâme.

Ngùet mún pua nki map mbadem mún lo’ fem nshin mo’nké mbi ghét mféé kêt kwete shi lo’ puo mbadem mún pua nsa’ngu.

Mgbèti mbète 17

Nshié mún, yi’she ké me rù pùen ne, ghét mféé kêt ghét kù yi yúm.

Pe mà njétní yi nvé mún nkuot kù yu’i.

Mgbèti mbète 18

Nshié mún nyùtu ghét mféé kêt kù rem ngam, yi, ne nga nyinyi; yire yi ntupshe yi ngét kù kupshe nga nyinyi ké ghét kù ghét nga nyinyi yi’she ké te puomshe me ndôngúere ké me lúemshe, lo’ te yu lére, gù ngéri, fa ngùre ne nyinyi pua ghét gù mgbète ntuot nga nyinyi.

Mgbèti mbète 19

Nshié mún pua ne mféé kêt ghét kù ghét wupme ne yi nshúkére, yire yi ntupshe mféé kêt yi mbe shi yétne yi kwete nkamkét ngam me shi’ gù wupme shi ne mféé kêt yi njétne yi nta’ yi nkweite mbit nsam gù pesa’kúe pua wupme te nshié manjé yi nsâme.

Mgbèti mbète 20

Nshié mún pua ne mféé kêt ghét kù ghét puomshe ne ghét nda nshút puomshe te fúeshe.

Pe fa pe yié yíri mún i pe mún nda puomshe.

Mgbèti mbète 21

Nshié mún ghét mféé kêt yi nshâre tésù te pesa’kúe npa ngu’i, ké me mún nténe, ké njem púenpúe pe sha’ sh sh na.

Nshié mún ghét mféé kêt yi ngét ntu nté te nsa’ngu’i lo’tè ngúenengúe mbgète kèn yi kwete.

Kù ntú pa te ngu pe na yire mbe meyùe’ne (to’she) ne pâwa nsa’ngu. Yire yi kù ntúúm pe nâ yitkéri te nshôshí pò lo’ te shisho’ nzènkét te gù pe rap fú’, nère nshié mún sho’ yi ngúengúe yié momap, me lúem ké yúe pe nsho ‘mo’ nza fééní shi yît mún mbe na.

Mgbèti mbète 22

Nshié mún, me rù lala pa te ngu, ghét mféé kêt yi mbe ne tèn ntúúm wume mb ne mún. A nâ tèt ngâ shi lo’tè yi kwete lúúm ntúúm pa mféé kêt shùshù’ mbèt pam, fâne púen te la’ ne nga yi ntuet púen yúe a nkpa’she njit te nga wùme shi na, pua nga lúere púnte ntu nté mi na, lo’ te ma’si’ ngu pua shâne wume ngu ngu, mbe njùe’ne te nga yi nsh she ne nga mbètpam nshié ngu.

Mgbèti mbète 23

Nshié mún nyùtu ghét mféé kêt fa’, kù sho’ fa’ shi, lo’tè mgbéte fa’ yùe a pua yi ghapshe ngúe ngúe ne shìre lem túúm pua yi nèn manjé ne nga shu ndem na.

Gù pùen ghétkét mféé kêt ngúenengúe péé te ngúenengúe fa’ shi rane mi mbe.

Nshié ngâ fa’ ghét mféé kêt péé a pe yétni mbit mbe yi shìre ntúúm mbe nshâre’i pua ngùr’i te wume yúe a yùne pua wùme ndun mún nyùtu na, nzíshípe yi mbe nsham pa mebú’re te shimo’mmanjé yiéka a ntâne na.

Nshié mún ghét mféé kêt yi njùp nda nshút tùe’she séé mbétpam pua shimo’ pùen mbi pit njétne yi nyi te shire shúe nda shút meshi’ tùe’she séé shi.

Mgbèti mbète 24

Nshié mún ghét mféé kêt gbùne ñwet pua pa fône fú’ndem ntamme pékét mgbète fú’ fa’ne ngab ngab’úe a pua yi péé te pe rap fú’ na.

Mgbèti mbète 25

Nshié mún pua ne mféé kêt kwete ntu nté wume njétne a pe yi fú’she njap ñwet, nshu mbôkér’i ne shi ngúer’i, ntamme meshi’ njùpayù, ma’shùe’, nda nshu, yùre shi, lâne pe fa’ fèt pùen te la’, yùe pe ghét shèt nga shi na I ghét mféé kêt puo-ghâme nsa’ngu me yúe i mbe shi fa’ na te ya na, ne kúlúemshe na, te kùü na, te réne na ké te shi mo’ mbe yúe kù wume sié puo’i, lo’tè nkamkét ngam’úe a ndi’ te kù ntú’i na.

Nda vé pua pon kpa’she ngét mféé kêt yi nkweite ghâme ne mfère yúe a pua shéttí na. Gù pon, mbù pon njem nâ ngum nshin ngúenengúe tûe’she pa te la’.

Mgbèti mbète 26

Nshié mún nyùtu ghét mféé kêt yu lére (kúú wupme). A nâ njit mi kúú wupme pe pò ndem ndem, nkúeshí yétne yi mbe yu lére me njiéshí (pum yu lére) yúe a pua meyùe’ne mbit mbe nkparé’na. Njiéshe yu lére pua pò yitkéri. Yu lére ntu mbue ne yi yi fa’ nâ njit mi pe sâm. mbe njit yúp ndaléréwa ngutngùre me nsa’ne ne púen me mfú’ kù ngur’ap.

A nâ njit mi yu lére pe nshééne runkét fú’she ntu nté mún nyùtu ne suo kù yi mfa può pa mféé kêt mún nyùtu ne mkpara’ fône kù ghét ngam. A nâ njit lúere nju’ngam mûmshe ne sun me fâne ngu ngu ne gù lap lap túm túm ké nga nyinyi, shi lâne tamkut te ngétne nga nda shút ngu ngu mbône, meshi’ shùshù’ fúeshe.

Pa mvévé, te fakú, ghétkét mféé kêt yi nsho’ nga yu lére yùe pe yétne yi mfa ne pon pap na.

Mgbèti mbète 27

Nshié mún ghét mféé kêt yi ngum fúeshí tu wume ntuot mbône mún, yi nséé te pa ghére ntu mbue ne yi ndù’nga wuo nkú sú te yi yu ghére pua ngambôkér’i.

Nshié mún ghét mféé kêt yi kwete tùe’she te séé nga ntuot pua mbètpam tùm te yu fú’she yi yi yu ghére, yi yi yu tùete ke yi yi yu ghére ntu mbue yúe i ghét na.

Mgbèti mbète 28

Nshié mún ghét mféé kèr’úe a mbe nsa’ lo’ te fâne púen pua ngu ngu, mgbète kèn kùka pa mféé kêt pua kù ghétkét ngam te yire yi nsa’ nga njú njetne yi mbe wumkéri ntúúm na.

Mgbèti mbète 29

mún nyùtu ghét kup kup mfa mfe ndun mbône mún ña yúe a li mî fône pua runkét tamkut te ntu nté mi yétne yi mbe na.

Te rûne pa mféé kèr’i pua lúúm ntúúm te kwete kù ghétkét nga shi, nshié mún nâ mkpem ñwor’i te ndút ndút kén meshi’ wùme pua fa può pa mféé kêt pua kù ghét ngam ne montâ a lo’ mfa pù ne ndù nga kúú wupme ngambôkét, mgbète nga nsa’ngu ne nshubókét mbadem mún te ngu shùtu.

A mà njétni mi shire pa mféé kêt pua kù ghét ngam lo’ mbe mfa’ne pua gù pa sha’ne gù mgbète nsa’ ngam nda shút ngu ngu mbône.

Mgbèti mbète 30

Mo’ nshié me yúe’ne lo’ te yire yi nsa’ ngam mà njetni suo kù nshié nsa’ ngu, lap lap pùen ké ndí mún ne, ne yi ngét nshié mféé kêt te ghét pesa’kúe yúe pe fa a nyé’re pa mféé kêt puo kù ghétkét ngam’úe pe ntanke ntúúm ma.